

中國方志叢書·華中地方·第一四八號

據

清光緒三十一年刊本
陳任暘輯


影印

江蘇省

京口三山志(焦山續志)

(全)

成文出版社有限公司印行



10098805

中華民國六十三年六月臺一版

京口三山志（焦山續志） 全 冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

陝各遷變即長江無日無坍漲
之說也王公設險必曰陵谷則一
遷變而無不當遷變矣此古人
左國右史取形勢於比席之間
考覈所不容緩者也志者國史
之類也吳平齋太守輯焦山

志成於同治庚午距今已三十有
五年不獨人事代謝存廢攸殊
且太守披輯在大亂將平之際
規復俱猶未能故引舊說居多
又詳於山而略於水今則築礮
臺屯重兵屹如巨鎮旌旗曉展

船吹夕聞輪舶紛馳戈船分駐
將為久遠之計與當日之戍兵禦
寇可俟郡縣志而此不紀者迥異
焉茲金山壯固兩志既訂畢因集
山中老衲曾目擊前事者與之
討論詳說並得當日各侶隨手

登記之零箋剩楮彙而抉擇之
出本太守原志體例其已詳者略
之未備者補之新增者采之現佚
者去之得八卷名之曰續志以附於
太守原志之末雖然本江自此山而
下亦之所謂險要近邊遷安者

已不知凡幾區一山其遷之安又何
足道然為金陵門戶古者已有
是說矧今正以門戶用之而故不敢
以區而忽或援前可以證今或舉
彼可以例此是左闕者之會心以云
如圖史之可備考覈則愧未能也

光緒三十年秋仲宜興陳壽謨

並書於青山雲水窟



焦山續志目錄

凡例

卷一

山水

卷二

建置

卷三

碑刻

卷四

方外

卷五

雜識

卷六

藝文一

卷七

藝文二

卷八

藝文三

焦山續志例言

一體例悉遵原志凡原志所已備者悉不再登第原志詳於山而略於水茲於水加詳兩山則就原志所未書者補之

一建置原志採摭已詳然散而未聚徵實爲難茲就現存者分別寺庵各書所有以便徵實其前有而今無者原志已備從略

一瘞鶴銘自精搨本出實能發前人所未發故列於碑刻之首碑刻則就新增者采入至周鼎漢爐諸

器原志已備不再列

一藝文之有闕攷證者如必俟其人論定恐久且散
失戍兵禦寇原志可不書而茲則築臺屯兵將爲
經制故皆采列此與原志體例有不符者也

焦山續志卷一

宜興陳任暘輯

山水

焦山如獅雄踞江心江至此由西而東分爲兩支南支行焦山象山間至寥觜折而南至丹徒口復折而東合五墩子礪子頭出口之水東注圖山北支由焦山後越松寥山夷山掃北趨東又分成四支北支進沙頭口至新馬頭下滙北來湖水北清南濁合出三江營口中支一行連山東洲棗核釘洲之間出五墩子

口一行棗核釘洲順江洲之間出礮子頭口南支行
焦山東新漲沙連山東洲之間入丹徒江滙爲大江
按輪船上行線道至圖山並北岸行以避山脚至
礮子頭以有小沙漲灘始望諫壁口塔燈漸趨而
南越過諫壁口漲灘並南岸行至丹徒江並西岸
行出寥背則山前山後均可暢行矣而北江分作
四小支之道其間灘激錯出港汊歧分素非熟悉
者易於迷誤故設焦山都象四礮臺爲正兵以扼
丹徒江面今以鎮江西門外躉船林立南溜破
改而北刷致松寥夷山間向有極險之旋窩已成
平水而北溜全掣入連山東洲棗核釘洲之間昔
之稱爲夾江者今寬深衝注尤甚於大江近有商
輪在彼測水將試行走此道若通由五墩子可直
出山後越過丹徒江面矣設險在陸而因以成險
者水爲之也

柳淤卽山東漲灘其上雜蒔蘆柳平開畦郛山僧藉供
爨蔬同治甲戌當道 奏請撥作官地在上建築礮
臺以連山東洲應繳新灘價銀作抵並移建玉峯庵
友竹庵碧山庵海門庵及竹樓雲聲庵就其故址分
造營壘兵房子藥庫駐兵守之臺外餘灘仍留若干
畝給定慧寺及另無菜圃各庵以種菜蔬

西峯巔

上行宮故址於光緒庚子當道 奏請削平填卑在上
設快礮臺一座仿地營式作營房駐兵守之

山腰土路光緒庚辰衡陽彭剛直公玉麟駐山防江以
山東礮臺西阻山峯餘三面臨江正當礮衝凡營房
子藥庫皆顯露於山下無藏兵接應之處因飭部下
自後營門山坡起繞山後闢一土路至山西棧道止
以資坐作進退

鼉龍塘在柳淤原海門庵前爲前河督長白麟見亭總
制麟慶放鼉處塘邊立碑文曰江南河道總督長白
麟公放鼉處傍書道光十六年歲次丙申十月穀旦
下刻鼉形塘內有穴通江冬卽自封蟄藏於此以爲

窟宅客欲觀者有老僧呼之卽出甚馴擾遊行上至金山下至各洲人皆識之咸豐十年春至東馬頭登岸誤爲客民所傷歸死於定慧寺塘因築礮臺填實碑尙存植營房前

義冢在山之東北隅爲廣艇陣亡病故之將士及寓山灾民叢瘞之處地旣撥築礮臺各冢適當後營門自然庵主僧六靜募諸築臺各員並防營將領集資拾遷於雲山之原並捐置田產采租爲脩築祭掃之費歸禪堂經理